

# VHIKI RO TSALA MAPAPILA YO HANGALASA NDZHAKA ETIKWENI 11-15 September 2017

PFUMELELA GQWETA RIKU TSALELA PAPILA RO HANGALASA NDZHAKA YA WENA - **MAHHALA!**



## 6

### Swivangelo swa tsevu leswi ku endlaka u fanele u va na papila ro hangalasa ndzhaka

1. I mfanelo ya wena ku tihlawulela loyi a nga ta kuma ndzhaka ya wena.
2. U fanele u tiyisisa leswaku ndyangu wa wena wa khathaleriwa hi ku ya hi ku navela ka wena ko hetelela.
3. Ndzhaka ya wena yi ta nyikiwa munhu loyi u n'wi hlawuleke.
4. Mulanguteri wa ndzhaka loyi a vekiweke i munhu loyi u n'wi tivaka, loyi u n'wi tshembaka ni loyi kumbexana u tihlawuleke yena.
5. U ta papalata ku hakela mali leyi engetelekeke kumbe leyi a swi nga fanelanga ku yi hakela.
6. U ta papalata ku vangela swirho swa ndyangu mbiti ni timholovo hikuva ku ni swiletelo leswi nga erivaleni swa ndlela leyi ndzhaka yi faneleke yi aviwa ha yona.



## 5

### Swivangelo swa ntlhanu leswi ku endlaka u fanele u tirhisa gqweta ku ku tsalela papila ro hangalasa ndzhaka

1. Gqweta i mutirhi la swi thwaseleke la tsarisiweke eka nhlango wa timhaka ta swa nawu.
2. Gqweta ri ni vutivi ni ntokoto ku tiyisisa leswaku papila ra wena ro hangalasa ndzhaka ri le nawini naswona ri fambisana ni swilaveko hinkwaswo swa nawu.
3. Gqweta ri pfuna ku tiyisisa leswaku ndzhaka ya wena yi hangalasiwa hi ku hatlisa ni ndlela leyi faneleke.
4. Gqweta ri nga ku tsundzuxa hi swiphigo swihi ni swihi leswi nga ha vaka kona hi papila ra wena ro hangalasa ndzhaka.
5. Gqweta ri nga pfuna mulanguteri wa ndzhaka ya wena.



## 3

### Swilo swinharhu mayelana ni mulanguteri wa ndzhaka

1. Mulanguteri wa ndzhaka u fanele a ava ndzhaka ya wena hi ku ya hi papila ra wena ro hangalasa ndzhaka.
2. Mulanguteri wa ndzhaka a nga va gqweta ra wena, nghamu ya wena, xirho xa ndyangu kumbe munghana.
3. Loko u hlawula nghamu, xirho xa ndyangu kumbe munghana wa wena, ku khutaziwa leswaku u tlhela u hlawula gqweta leswaku ri tirhisa swin'we ni mulanguteri wa ndzhaka tanihi leswi rona ri nga ta langutana ni timhaka tihhi ni tihhi ta nawu.



## 4

### Swilo swa mune leswi u nga ehleketaka ha swona u nga si tsala papila ro hangalasa ndzhaka

1. I mani loyi a nga ta kuma ndzhaka naswona ndzhaka ya kona hi yihhi?
2. I mani loyi a nga ta va muwundli wa le nawini wa vana va wena lavatsongo (lava nga ehansi ka malembe ya 18)?
3. I mani loyi a nga ta va mulanguteri wa ndzhaka ya wena?
4. Xana u fanele u tsala papila ro hangalasa ndzhaka u ri ni nghamu ya wena?



## 2

### Swilo swimbirhi leswi u fanele u famba na swona loko u ya hlangana ni gqweta

1. Pasi ra wena (ni ra nghamu ya wena loko papila ra wena ra ndzhaka mi ri tsale swin'we).
2. Nxaxamelo wa swilo leswi nga swa wena (ku katsa ni swilo swa wena n'wini leswi u navelaka ku swi nyika munhu wo karhi) nileswaku mani u ta kuma yini.



## 1

### Xiboho xin'we lexi endlaweke

Veka nkarhi ni siku u ti hlanganisa na gqweta leswaku ri ku tsalela papila ra wena ro hangalasa ndzhaka – MAHALA hi Vhiki ro Tsala Mapapila yo Hangalasa Ndzhaka eTikweni ku sukela hiti 11 ku fikela hiti 15 ta September 2017.

Va nga ku tsalela ntsena papila ro hangalasa ndzhaka leri oloveke. A va nge endlil mindzulamiso eka mapapila lawa ya tsariwke khale.

Laha u nga kumaka kona gqweta ku ku tsalela papila ra wena ro hangalasa ndzhaka:

[www.LSSA.org.za](http://www.LSSA.org.za)



LAW SOCIETY  
OF SOUTH AFRICA

Kumbe u fonela nhlango wa timhaka ta xinawu ta xifundzha lexi faneleke: Loko u lava magqweta le -

- Gauteng, Mpumalanga, Limpopo, North West fonela Law Society of the Northern Provinces eka (012) 338 5800;
- Western, Eastern na Northern Cape fonela Cape Law Society eka (021) 443 6700;
- Free State fonela Law Society of the Free State eka (051) 447 3237;
- KwaZulu-Natal fonela KwaZulu-Natal Law Society eka (033) 345 1304.

Kumbe u fonela Law Society of South Africa eka (012) 366 8800.

Vhiki ro Tsala Mapapila yo Hangalasa Ndzhaka i goza ra Nhlango wa Timhaka ta Nawu wa Afrika Dzonga swin'we ni swirho swa wona swa tsevu, ku nga Black Lawyers Association, Cape Law Society, KwaZulu-Natal Law Society, Law Society of the Free State, Law Society of the Northern Provinces na National Association of Democratic Lawyers.

Xifaniso lexi xi tirhiseriwa ku nyikela rungula ntsena naswona a xi fanelanga xi tekiwa tanihi xitsundzuxo xa le nawini.